

MINISTERIO DA PRESIDENCIA

15986 REAL DECRETO 1116/2007, do 24 de agosto, polo que se modifica o Real decreto 168/1988, do 26 de febreiro, polo que se establecen determinadas condicións técnicas para o vidro-cristal. («BOE» 213, do 5-9-2007.)

A Directiva 2006/96/CE do Consello, do 20 de novembro de 2006, pola que se adaptan determinadas directivas no ámbito da libre circulación de mercadorías, con motivo da adhesión de Bulgaria e Romanía, establece modificacións da Directiva 69/493/CEE do Consello, do 15 de decembro de 1969, relativa ás aproximacións das lexislacións dos Estados membros sobre vidro e cristal. Esta última directiva foi incorporada ao ordenamento xurídico español polo Real decreto 168/1988, do 26 de febreiro, relativo ás condicións técnicas para o vidro-cristal.

Por iso, resulta necesario modificar o Real decreto 168/1988, do 26 de febreiro, para adaptalo ás modificacións introducidas pola Directiva 2006/96/CE.

Na súa virtude, por proposta dos ministros de Industria, Turismo e Comercio, de Economía e Facenda e de Sanidade e Consumo, de acordo co Consello de Estado e logo de deliberación do Consello de Ministros e na súa reunión do día 24 de agosto de 2007,

DISPÓNDO:

Artigo único. Modificación do Real decreto 168/1988, do 26 de febreiro, polo que se establecen determinadas condicións técnicas para o vidro-cristal.

O Real decreto 168/1988, do 26 de febreiro, polo que se establecen determinadas condicións técnicas para o vidro-cristal, modifícase como segue:

Un. Engádesse unha disposición derradeira primeira, coa seguinte redacción:

«Disposición derradeira primeira. Autorización para a modificación dos anexos.

Autorízanse os ministros de Industria, Turismo e Comercio, de Economía e Facenda e de Sanidade e Consumo para modificar, de acordo coas súas respectivas competencias, os anexos I e II dese real decreto, co fin de mantelos adaptados ás innovacións técnicas que se produzan e, especialmente, ao disposto na normativa comunitaria.»

Dous. A actual disposición derradeira pasa a ser a disposición derradeira segunda e engádeselle a rúbrica «Entrada en vigor».

Tres. Modifícase o anexo I na forma seguinte:

a) No anexo I, na columna b do punto 1 incorpórase o texto seguinte:

«ТЕЖЪК ОЛОВЕН КРИСТАЛ 30 %;

b) No anexo I, na columna b do punto 2 incorpórase o texto seguinte:

«ОЛОВЕН КРИСТАЛ 24 %, CRISTAL CU PLUMB 24 %»;

c) No anexo I, na columna b do punto 3 incorpórase o texto seguinte:

«КРИСТАЛИН, STICLĂ CRISTALINĂ»;

d) No anexo I na columna b do punto 4 incorpórase o texto seguinte:

«КРИСТАЛНО СТЬЪКЛО, CRISTALIN – STICLĂ SONORĂ.»

Disposición derradeira primeira. Incorporación de dereito da Unión Europea.

Mediante este real decreto incorpórase ao dereito español a letra E do anexo da Directiva 2006/96/CE, do Consello, do 20 de novembro de 2006, pola que se adaptan determinadas directivas no ámbito da libre circulación de mercadorías, con motivo da adhesión de Bulgaria e Romanía.

Disposición derradeira segunda. Entrada en vigor.

O presente real decreto entrará en vigor o día seguinte ao da súa publicación no «Boletín Oficial del Estado».

Dado en Palma de Mallorca o 24 de agosto de 2007.

JUAN CARLOS R.

A vicepresidenta primeira do Goberno e ministra da Presidencia,

MARÍA TERESA FERNÁNDEZ DE LA VEGA SANZ

MINISTERIO DE TRABAJO E ASUNTOS SOCIAIS

16144 REAL DECRETO 1108/2007, do 24 de agosto, sobre recoñecemento como cotizados á Seguridade Social dos períodos en que os membros das corporacións locais exerceron con dedicación exclusiva o seu cargo político, con anterioridade á súa inclusión no réxime xeral da Seguridade Social. («BOE» 218, do 11-9-2007.)

O artigo 75 da Lei 7/1985, do 2 de abril, reguladora das bases do réxime local, determinou a inclusión no réxime xeral da Seguridade Social dos membros das corporacións locais que percibisen retribucións polo exercicio dos seus cargos desempeñados con dedicación exclusiva. En desenvolvemento desta previsión ditouse a Orde do 12 de marzo de 1986, en cuxa disposición transitoria primeira se determinou que as altas no réxime xeral dos aludidos membros das corporacións locais poderían retrotraer os seus efectos ata o 23 de abril de 1985, data de entrada en vigor da citada lei.

Na disposición adicional única da Lei 37/2006, do 7 de decembro, relativa á inclusión no réxime xeral da Seguridade Social e á extensión da protección por desemprego a determinados cargos públicos e sindicais, encoméndaselle ao Goberno que, no prazo máximo de seis meses, aprobe as disposicións normativas necesarias para efectos de computar, para os membros das corporacións locais con dedicación exclusiva que exerceron o seu cargo político con anterioridade á aprobación da repetida Lei 7/1985, do 2 de abril, o tempo que estiveron exercendo o seu cargo e no cal non lles foi permitido cotizar pola súa falta de inclusión no sistema da Seguridade Social, co obxecto de que se lles recoñeza o dereito á percepción da pensión de xubilación denegada ou a unha contía supe-

rior á que teñen recoñecida. Así mesmo, prevense que en tales disposicións, para efectos de asegurar o mantemento do equilibrio económico-financieiro da Seguridade Social, o recoñecemento ou mellora da pensión de xubilación, a que dará lugar computar como cotizados os referidos períodos, queden condicionados ao ingreso na Tesouraría Xeral da Seguridade Social do correspondente capital-custo de pensión.

Ao cumprimento deste mandato legal responde o contido deste real decreto, mediante o cal se establece a consideración como cotizados ao réxime xeral da Seguridade Social dos períodos comprendidos entre o 20 de abril de 1979 e o 23 de abril de 1985, data inicial de efectos da inclusión dos membros das corporacións locais no réxime xeral da Seguridade Social, durante os cales se desempeñaron servizos en tal condición con dedicación exclusiva.

A finalidade do cómputo de tales períodos, de conformidade cos termos expresados na disposición adicional única citada, é a de permitir, en relación exclusivamente coa pensión de xubilación na súa modalidade contributiva, quer o acceso ao dereito a pensión quer o incremento da contía da pensión que correspondería en función dos anos realmente cotizados ao sistema da Seguridade Social.

Pola súa vez, e como contrapartida aos beneficios que o cómputo dos períodos indicados supón para os interesados e para efectos de preservar o equilibrio económico-financieiro do sistema, tamén en consonancia co mandato legal, este real decreto prevé, como condicionante do recoñecemento de tales beneficios, a obriga de ingresar o correspondente capital-custo da parte da contía da pensión que derive dos períodos recoñecidos como cotizados ao réxime xeral da Seguridade Social.

Por outra parte, aprovéitase o contido deste real decreto para clarificar o alcance respecto da incorporación na cobertura da protección por desemprego, respecto de determinados cargos públicos e sindicais, prevista na indicada Lei 37/2006, do 7 de decembro.

Na tramitación deste real decreto emitiron o correspondente informe a Federación Española de Municipios e Provincias e a Comisión Nacional de Administración Local.

Na súa virtude, por proposta do ministro de Tráballo e Asuntos Sociais, de acordo co Consello de Estado e logo de deliberación do Consello de Ministros na súa reunión do día 24 de agosto de 2007,

DISPÓÑO:

Artigo 1. *Ámbito de aplicación.*

O establecido neste real decreto será de aplicación aos membros das corporacións locais que exerceron o seu cargo político con dedicación exclusiva entre o 20 de abril de 1979 e o 23 de abril de 1985, percibindo retribución ou indemnizacións fixas periódicas por importe non inferior ao do salario mínimo interprofesional, en cómputo anual, que estivese vixente en cada momento.

Artigo 2. *Períodos recoñecidos como cotizados á Seguridade Social.*

1. Aos membros das corporacións locais a que se refire o artigo anterior e que o soliciten ante a Tesouraría Xeral da Seguridade Social, recoñeceránselles como cotizados ao réxime xeral da Seguridade Social os períodos durante os que exercen o seu cargo político, para efectos do recoñecemento do dereito a pensión de xubilación ou de incrementar a contía da dita pensión no suposto de que xa fose recoñecida.

Non procederá o recoñecemento a que se refire o parágrafo anterior dos períodos durante os que se coti-

zase a calquera réxime público de protección social, xa fose con carácter voluntario ou obrigatorio.

2. Para os efectos previstos no punto anterior, os interesados deberán acreditar, mediante certificación expedida pola correspondente corporación local, os períodos durante os cales desempeñaron o seu cargo político en réxime de dedicación exclusiva e mediando retribución ou indemnizacións fixas periódicas.

Artigo 3. *Recoñecemento e cálculo da pensión.*

1. Cando no momento da entrada en vigor deste real decreto o interesado tiver 65 ou máis anos de idade, tiver cesado na súa actividade laboral e non tiver dereito a pensión de xubilación, se co cómputo dos períodos asimilados a cotizados se acredítase o cumprimento do período mínimo de cotización, procederase, por instancia do interesado, ao recoñecemento do dereito á citada pensión. Para tal efecto, non será exixible o requisito de ter dous anos de cotización comprendidos nos quince inmediatamente anteriores ao feito causante, que, nestes supostos, virá constituído pola solicitude do interesado.

Para o cálculo da base reguladora, cando no período que se vai considerar existise ausencia parcial ou total de cotizacións efectivas, estas lagoas integraranse coa base mínima de cotización vixente en cada momento.

2. Nos casos en que xa se viñese percibindo pensión de xubilación, procederase, por instancia do interesado, a un novo cálculo da súa contía; para este efecto á base reguladora da pensión recoñecida aplicaráselle a porcentaxe que resulte de sumar aos períodos efectivamente cotizados os asimilados a tales, de conformidade coa escala vixente na data en que o interesado solicitou a revisión da contía da súa pensión. En ningún caso se poderá derivar unha redución da porcentaxe que se tivo en conta para o cálculo inicial da pensión.

A contía así obtida será obxecto de actualización, mediante a aplicación das revalorizacións que tivesen lugar desde a data inicial de efectos da pensión ata a data de efectos da revisión producida, que se corresponderá co día seguinte ao da solicitude da modificación da contía da pensión.

3. En todos os demais supostos distintos aos previstos nos dous puntos precedentes, os períodos obxecto de asimilación a cotizados en virtude do establecido neste real decreto computaranse para o recoñecemento da pensión de xubilación, sempre que os interesados reúnan os restantes requisitos exixidos con carácter xeral.

Artigo 4. *Obrigas das corporacións locais e dos interesados.*

1. Tanto os interesados como as corporacións locais en que aqueles exerceron os seus cargos políticos, virán obrigados a aboar o capital-custo da parte de pensión que derive dos períodos de cotización que se recoñecesen en virtude do previsto neste real decreto.

Para tal fin, a parte de pensión que se capitalizará será o resultado de aplicarlle á base reguladora que corresponda as porcentaxes seguintes:

- Polos anos recoñecidos que se sitúen dentro dos quince primeiros: o 3,33 por 100 por cada ano recoñecido.
- Polos anos recoñecidos que se sitúen entre o décimo sexto e o vixésimo quinto: o 3 por 100 por cada ano recoñecido.
- Polos anos recoñecidos que se sitúen entre o vixésimo sexto e o trixésimo quinto: o 2 por 100 por cada ano recoñecido.

2. Nos supostos a que se refire o punto 2 do artigo anterior, a parte de pensión que se capitalizará será a dife-

renza entre a contía da pensión que se viñese percibindo e a que corresponda por aplicación dos períodos asimilados a cotizados.

3. As corporacións locais afectadas deberán aboar o 83,40 por 100 do importe do correspondente capital-custo, sendo o restante 16,60 por 100 por conta do interesado.

4. O aboamento do capital-custo que será satisfeito tanto polas corporacións locais como polos interesados poderá ser diferido por un período igual ao do tempo recoñecido en cada caso como cotizado á Seguridade Social e fraccionado en pagamentos mensuais, deducibles de cada mensualidade de pensión, polo que aos interesados se refire.

Cando, por razón de cargos políticos exercidos con carácter sucesivo, resulte obrigada ao pagamento máis dunha corporación local, a parte de capital-custo que deberán satisfacer estas será proporcional ao tempo de exercicio do cargo por parte dos interesados en cada unha delas. No caso de que esta concorrencia derive do exercicio de cargos con carácter simultáneo, o importe do capital-custo que se deba satisfacer en razón a eses períodos coincidentes distribuirase a partes iguais entre as respectivas corporacións locais.

Disposición adicional primeira. Aplicación supletoria.

No non previsto neste real decreto serán de aplicación as normas comúns polas que se rexe o réxime xeral da Seguridade Social.

Disposición adicional segunda. Desemprego dos cargos públicos e sindicais.

Os períodos de desempeño dun cargo, por parte das persoas incluídas no artigo 205.4 do texto refundido da Lei xeral da Seguridade Social, aprobado polo Real decreto legislativo 1/1994, do 20 de xuño, anteriores á entrada en vigor da Lei 37/2006, do 7 de decembro, durante os cales non existen cotizacións por desemprego, non se poderán computar como de ocupación cotizada para a obtención, duración ou contía das prestacións por desemprego. Non obstante, para efectos dese cómputo poderase retrotraer o período de seis anos, a que se refiren os artigos 207.b) e 210.1 do citado texto refundido da Lei xeral da Seguridade Social, polo tempo equivalente ao de desempeño do dito cargo con dedicación exclusiva ou parcial e percibindo unha retribución.

Disposición derradeira primeira. Título competencial.

Este real decreto dítase ao abeiro do disposto no artigo 149.1.17.^a da Constitución, que lle atribúe ao Estado a competencia exclusiva en materia de réxime económico da Seguridade Social.

Disposición derradeira segunda. Facultades de desenvolvemento.

Facúltase o ministro de Traballo e Asuntos Sociais para ditar as disposicións necesarias para a aplicación e o desenvolvemento deste real decreto.

Disposición derradeira terceira. Entrada en vigor.

Este real decreto entrará en vigor o día seguinte ao da súa publicación no «Boletín Oficial del Estado».

Dado en Palma de Mallorca o 24 de agosto de 2007

JUAN CARLOS R.

O ministro de Traballo e Asuntos Sociais

JESÚS CALDERA SÁNCHEZ-CAPITÁN

MINISTERIO DE AGRICULTURA, PESCA E ALIMENTACIÓN

16145 *ORDE APA/2601/2007, do 10 de setembro, pola que se modifica a Orde APA/2289/2007, do 26 de xullo, pola que se establecen medidas específicas de protección en relación coa lingua azul.* («BOE» 218, do 11-9-2007.)

A lingua azul ou febre catarral ovina é unha enfermidade incluída no Código Zoonosario Internacional da Organización Mundial da Sanidade Animal (OIE) e na lista de enfermidades de declaración obrigatoria da Unión Europea. As medidas específicas de loita contra a enfermidade están reguladas polo Real decreto 1228/2001, do 8 de novembro, polo que se establecen medidas específicas de loita e erradicación da febre catarral ovina ou lingua azul.

Desde o ano 2004 o suroeste da Península Ibérica viuse afectado pola circulación viral do serotipo 4 do virus causante desta enfermidade, e desde xullo de 2007, ademais, detectouse a presenza do serotipo 1 do mesmo virus, adoptándose as medidas adecuadas en todo momento para o seu control e erradicación, incluíndo a existencia dun programa de vacinación fronte á enfermidade.

As medidas de protección a nivel comunitario foron adoptadas mediante a Decisión 2005/393/CE da Comisión, do 23 de maio de 2005, relativa ás zonas de protección e vixilancia en relación coa febre catarral ovina e as condicións que se aplican aos traslados de animais desde estas zonas ou a través delas, cuxa última modificación, polo que respecta ás zonas restrinxidas en relación coa febre catarral ovina en España e Alemaña, a constitúe a Decisión 2007/28/CE, da Comisión, do 22 de decembro de 2006.

De acordo coa Lei 8/2003, do 24 de abril, de sanidade animal, e sen prexuízo das medidas adoptadas pola Comisión Europea, adoptáronse medidas nacionais específicas, a través de diversas ordes, a última das cales é a Orde APA/2289/2007, do 26 de xullo, pola que se establecen medidas específicas de protección en relación coa lingua azul, modificada mediante Orde APA/2371/2007, do 2 de agosto.

En función dos datos epidemiolóxicos existentes, que poñen de manifesto a circulación viral do serotipo 1 na Comunidade Autónoma de Andalucía, é preciso variar a zona restrinxida S-1-4 engadindo novas comarcas veterinarias das comunidades autónomas de Andalucía, Extremadura e Castilla-La Mancha, e prever en consecuencia o necesario período transitorio para os espectáculos taurinos.

Na súa virtude, e ao abeiro do establecido no artigo 8 da Lei 8/2003, do 24 de abril, de sanidade animal, e na disposición derradeira segunda do Real decreto 1228/2001, do 8 de novembro, dispoño:

Artigo único. Modificación da Orde APA/2289/2007, do 26 de xullo, pola que se establecen medidas específicas de protección en relación coa lingua azul.

A Orde APA/2289/2007, do 26 de xullo, pola que se establecen medidas específicas de protección en relación coa lingua azul, queda modificada como segue:

Un. Engádesse unha nova disposición transitoria, co seguinte contido:

«Disposición transitoria terceira.

Réxime temporal de movementos de reses de lida desde explotacións situadas en parte da zona restrinxida